

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
SKUPŠTINA
Stručna služba



Bosnia and Herzegovina
FEDERATION OF BOSNIA AND
HERZEGOVINA
ZENICA-DOBOJ CANTON
CANTON ASSEMBLY

Broj: 01-02-12725-1/25
Zenica, 30.06.2025. godine

PARLAMENT FEDERACIJE BOSNE I HERCEGOVINE
DOM NARODA
n/r predsjedavajućeg
ul. Hamdije Kreševljakovića broj 3
71000 SARAJEVO

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 02-07-2025			
Org. jed.	Broj	Priloga	Vrijednost
02	-02-	414	25

FEDERALNO MINISTARSTVO RADA I SOCIJALNE POLITIKE
n/r ministra
ul. Hamdije Čemerlića br. 2
71000 SARAJEVO

PREDMET: Zaključak sa 41. sjednice Skupštine Zeničko-dobojskog kantona s prilogima, *dostavlja se*
VEZA: e-mail Parlamenta Federacije BiH – Pisarnica OTP od 25.03.2025. godine

Postupajući po aktu obavještenja Doma naroda Parlamenta Federacije Bosne i Hercegovine, broj: 02-02-414/25 od 20.03.2025. godine, koji je Skupštini Zeničko-dobojskog kantona dostavljen 25.03.2025. godine putem e-maila (sa priloženim Nacrtom Zakona o profesionalnoj rehabilitaciji i zapošljavanju lica sa invaliditetom i Obrazloženjem Nacrta Zakona), kojim je traženo dostavljanje **mišljenja kantonalnih skupština na Nacrt Zakona o profesionalnoj rehabilitaciji i zapošljavanju lica sa invaliditetom** u prilogu Vam dostavljamo **Zaključak Skupštine Zeničko-dobojskog kantona, broj: 01-02-12725/25 od 30.06.2025. godine**, donesen na 41. sjednici Skupštine Zeničko-dobojskog kantona održanoj 30.06.2025. godine, kojim je utvrđeno mišljenje Skupštine Zeničko-dobojskog kantona povodom dostavljenog Nacrta Zakona.

U prilogu navedenog Zaključka Skupštine, kao njegov sastavni dio nalaze se Zaključak Vlade Zeničko-dobojskog kantona broj: 02-02-10454/25 od 23.05.2025. godine, kao i Mišljenje Ministarstva za rad, socijalnu politiku i izbjeglice Zeničko-dobojskog kantona broj: 09-02-5970-3/25 od 19.05.2025. godine, na dostavljeni Nacrt Zakona, koje je Vlada Zeničko-dobojskog kantona prihvatila svojim zaključkom broj i datum gornji, kao i mišljenje skupštinske Komisije za rad, socijalnu politiku, izbjeglice i zdravstvo sadržano u njenom Izvještaju broj: 01-30-12185-1/25 od 25.06.2025. godine i isti se smatraju mišljenjem Skupštine Zeničko-dobojskog kantona datim na Nacrt ovog Zakona.

Navedeni Zaključak Skupštine, sa pomenutim prilogima, dostavljamo Vam kako bi u toku provođenja dalje propisane procedure za donošenje navedenog zakona u Federaciji BiH, imali u vidu dato mišljenje Skupštine Zeničko-dobojskog kantona povodom dostavljenog Nacrta Zakona.

S poštovanjem,

PRILOZI: Kao u dopisu



DOSTAVLJENO:

- 2 x Naslovu
- 1 x Vladi Ze-do kantona, n/r sekretara
- 1 x Ministarstvu za rad, socijalnu politiku i izbjeglice Ze-do kantona, n/r ministra
- 2 x U Registrator 41. sjednice Skupštine/05-03

Na osnovu člana 99. stav 1., a u vezi sa članom 102. i članom 106c. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona”, broj: 5/24 i 8/25), Skupština Zeničko-dobojskog kantona, na 41. sjednici održanoj 30.06.2025. godine, donosi:

ZAKLJUČAK

I.

Skupština Zeničko-dobojskog kantona ovim Zaključkom utvrđuje svoje mišljenje povodom dostavljenog Nacrta Zakona o profesionalnoj rehabilitaciji i zapošljavanju lica sa invaliditetom.

II.

Mišljenje Ministarstva za rad, socijalnu politiku i izbjeglice Zeničko-dobojskog kantona o navedenom Nacrtu Zakona, broj: 09-02-5970-3/25 od 19.05.2025. godine koje je Vlada Zeničko-dobojskog kantona prihvatila svojim Zaključkom broj: 02-02-10454/25 od 23.05.2025. godine i koji je uputila u dalju skupštinsku proceduru, čini sastavni dio i ovog Zaključka, kao i mišljenje skupštinske Komisije za rad, socijalnu politiku, izbjeglice i zdravstvo sadržano u njenom Izvještaju broj: 01-30-12185-1/25 od 25.06.2025. godine i isti se smatraju Mišljenjem Skupštine Zeničko-dobojskog kantona datim na Nacrt Zakona o profesionalnoj rehabilitaciji i zapošljavanju lica sa invaliditetom.

III.

Ovaj Zaključak stupa na snagu danom donošenja i bit će dostavljen Domu naroda Parlamenta Federacije Bosne i Hercegovine i Federalnom ministarstvu rada i socijalne politike, zajedno sa Mišljenjem Ministarstva za rad, socijalnu politiku i izbjeglice Zeničko-dobojskog kantona o navedenom Nacrtu Zakona, broj: 09-02-5970-3/25 od 19.05.2025. godine, koje je Vlada Zeničko-dobojskog kantona prihvatila svojim Zaključkom broj: 02-02-10454/25 od 23.05.2025. godine, te mišljenjem skupštinske Komisije za rad, socijalnu politiku, izbjeglice i zdravstvo sadržanom u njenom Izvještaju broj: 01-30-12185-1/25 od 25.06.2025. godine, radi nastavka daljih aktivnosti u vezi sa Nacrtom ovog Zakona.

Broj: 01-02-12725/25
Datum, 30.06.2025. godine
Zenica

PREDSJEDAVAJUĆI

Čazim Huskić



Na osnovu člana 16. stav 4. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 82. sjednici, održanoj dana 23.05.2025. godine, d o n o s i

ZAKLJUČAK

SKUPŠTINA ZENIČKO-DOBOJSKOG KANTONA			
Primljeno.	26.05.2025.		
Org. jed.	Broj	Prilog	Vrijednost
01	02	10	454/25

I.

Prihvata se Mišljenje Ministarstva za rad, socijalnu politiku i izbjeglice o Nacrtu Zakona o profesionalnoj rehabilitaciji i zapošljavanju lica sa invaliditetom, broj: 09-02-5970-3/25 od 19.05.2025. godine, koji je kantonalnim skupštinama dostavljen na mišljenje od strane Doma naroda Parlamenta Federacije Bosne i Hercegovine.

II.

Zaključak sa Mišljenjem iz tačke I. upućuje se u dalju skupštinsku proceduru.


III.

Zaključak stupa na snagu danom donošenja.

Broj: 02-02-10454 /25
Datum, 23.05.2025. godine
Zenica

DOSTAVLJENO:

1x Ministarstvo za rad, socijalnu politiku i izbjeglice,
☒ Stručna služba Skupštine,
1x a/a.



PREMIJER
Elvir Pivić



ZENIČKO DOBOJSKI KANTON
VLADA

n/r Premijera
n/r Sekretara

Broj: 09-02-5970-3/25
Zenica, 19.05.2025. godine

**PREDMET: Mišljenje o Nacrtu Zakona o profesionalnoj rehabilitaciji i zapošljavanju
lica sa invaliditetom, dostavlja se**

Dom naroda Parlamenta Federacije Bosne i Hercegovine je uz akt broj: 02-02-414/25 od 20.03.2025. godine skupštinama kantona dostavio tekst Nacrta Zakona o profesionalnoj rehabilitaciji i zapošljavanju lica sa invaliditetom (u daljem tekstu: Nacrt Zakona) koji je razmatran na 17. redovnoj sjednici od 20.03.2025. godine Doma naroda Parlamenta Federacije Bosne i Hercegovine, radi davanja mišljenja na predloženi tekst, budući da je oblast socijalne politike u zajedničkoj nadležnosti federalne vlasti i kantona, u skladu sa članom III. 2e Ustava Federacije Bosne i Hercegovine.

Aktom Stručne službe Skupštine, broj: 01-02-5970-1/25 od 25.03.2025. godine, i aktom Stručne službe Vlade, broj: 02-1-02-5970-2/25 od 27.03.2025. godine, ovom ministarstvu je kao resornom dostavljen na mišljenje tekst Nacrta Zakona.

Nakon razmatranja dostavljenog teksta Nacrta Zakona ovo ministarstvo u okviru svoje nadležnosti daje sljedeće:

MIŠLJENJE

Nakon razmatranja i davanja mišljenja na tekst Prednacrt Zakona u 2024. godini, te razmatranja dostavljenog Nacrta Zakona, ovo ministarstvo i dalje načelno podržava predložena zakonska rješenja i uređenje ove oblasti koje treba doprinijeti efikasnijoj primjeni istog u praksi, ali i dalje ukazujemo na sljedeće:

- Članom 11. Prednacrt Zakona u stavu (3) propisano je da će bliže uslove za osnivanje i rad ustanove, posebno u pogledu prostora, opreme i stručnog kadra, propisati kantonalni ministar nadležan za poslove socijalne zaštite. Smatramo da bi takve uslove trebao na jedinstven način urediti federalni ministar nadležan za poslove socijalne zaštite, s ciljem osiguranja jednakih uslova za teritorij Federacije BiH, jer se prema predloženom rješenju ostavlja prostor da se uslovi za osnivanje i rad ustanove drugačije propišu od kantona do kantona.
- Članom 44. u stavu (2) propisana je struktura Upravnog odbora Fonda i da isti broji 7 članova, ali je samo za tri člana propisano iz kojeg reda se imenuju, dok za preostala četiri člana Upravnog odbora nije propisan red ispred kojeg se imenuju članovi. Smatramo da

KW
OK
D

je isto potrebno propisati radi osiguranja zakonite i transparentne primjene propisa u praksi.

Također, dodajemo nove sugestije i to:

- U članu 5. u stavu (1) je propisano da invaliditet, smanjenu i preostalu radnu sposobnost lica iz člana 4. utvrđuje Institut za medicinsko vještačenje, a u članu 4. su definisani korisnici prava i to tako što se ponavlja definicija iz člana 3., ali se istim ne daju smjernice o mjerama za profesionalnu rehabilitaciju i zapošljavanje osoba sa invaliditetom, a što je osnovni cilj i razlog za donošenje ovog zakona.
- U članu 7. Nacrta pravo na profesionalnu rehabilitaciju trebalo bi definisati i pojasniti, tako da se tačno odredi na koja lica i sa kojim stepenom tjelesnog oštećenja se odnosi pravo prema ovom zakonu, budući da se članom 9. Nacrta propisuje da o priznavanju prava na profesionalnu rehabilitaciju odlučuje kantonalna služba za zapošljavanje u prvom stepenu, a o žalbi na isto odlučuje kantonalno ministarstvo nadležno za rad i socijalnu politiku. S tim u vezi, potrebno je da prvostepeni i drugostepeni organ već po usvajanju Zakona imaju jasne odredbe i smjernice o licima koja ostvaruju ovo pravo. Ovo i iz razloga što je članom 5. Nacrta propisano da invaliditet, odnosno smanjenu poslovnu sposobnost utvrđuje institut.
- U članu 20. stav (1) potrebno je uskladiti vremenski okvir koji definira koliko osoba sa invaliditetom je potrebno zaposliti u odnosu na ukupan broj zaposlenih, budući da je u tački a) rok 2024. godina koja je završena i u tački b) 2025. godina koja je već nastupila i ne može se sa sigurnošću reći da će ovaj zakon stupiti na snagu prije isteka tekuće godine.

Generalno smatramo da zakon ne treba opterećavati definicijama kao što je invaliditet, promijenjena radna sposobnost koje su definisane drugim zakonima koji također tretiraju ovu oblast, već je potrebno da se jasno napravi gradacija potrebnih mjera ili aktivnosti za profesionalnu rehabilitaciju koja će pratiti potrebe i stepen njihovih sposobnosti, a koje će biti i usklađene sa potrebama na tržištu rada.

S tim u vezi, održana je i sjednica Ekonomsko-socijalnog vijeća za područje Zeničko-dobojskog kantona, na kojoj je razmatran predmetni Nacrt Zakona, te je isti podržan od strane Grupacija poslodavaca ZE-DO kantona, a predstavnici Saveza samostalnih sindikata Bosne i Hercegovine, Kantonalni odbor ZE-DO kantona su ovom ministarstvu dostavili naknadno mišljenje koje je u prilogu ovog dokumenta.

S poštovanjem,

Dostavljeno:

1x Naslov

1x a/a



Bosna i Hercegovina, Zenica, Kučukovići br. 2

Telefon: 032/460-680; Fax: 032/460-682; e-mail: min.rad@zdk.ba



SAVEZ SAMOSTALNIH SINDIKATA
BOSNE I HERCEGOVINE

KANTONALNI ODBOR
ZE - DO KANTONA

Fra Ivana Jukića br. 1

CONFEDERATION OF INDEPENDENT TRADE
UNIONS OF BOSNIA AND HERZEGOVINA

CANTONAL BOARD OF THE
ZE - DO CANTON

tel./fax: 387 32/ 246-118

Broj: 154-02-05/25

Zenica, 07.05.2025. godine

**VLADA ZENIČKO-DOBOJSKOG KANTONA
MINISTARSTVO ZA RAD,
SOCIJALNU POLITIKU I IZBJEGLICE**

PREDMET: Stav delegacije SSS BiH/ZDK u Ekonomsko-socijalnom vijeću ZDK u vezi nacrtu Zakona o profesionalnoj rehabilitaciji i zapošljavanju osoba sa invaliditetom FBiH

Nacrt Zakona o profesionalnoj rehabilitaciji i zapošljavanju osoba sa invaliditetom pored ostalog definiše „kvotu“ kod upošljavanja osoba sa invaliditetom, odnosno broj osoba sa invaliditetom koje poslodavac treba zaposliti u odnosu na ukupan broj radnika - prema važećem zakonu to je jedna osoba sa invaliditetom na svakih 16 radnika kod poslodavca. Nacrtom novog zakona ovaj se broj povećava za po jednog radnika svake naredne godine od stupanja na snagu zakona, do obaveze upošljavanja jedne osobe sa invaliditetom na svakih 20 radnika u 2027. godini.

Također, nacrtom Zakona je propisano da ako poslodavac zaposli osobu sa invaliditetom od 90%, smatra se da je zaposlio dvije osobe sa invaliditetom.

Ova dva rješenja, u kombinaciji, dovela bi do smanjenja broja osoba sa invaliditetom koje bi poslodavac trebao zaposliti, odnosno smanjenja iznosa uplate posebnog doprinosa u slučaju upošljavanja manjeg broja od kvote propisane zakonom.

Iz ovog razloga bi ova rješenja trebala biti još jednom razmotrena.

Članom 20. stav 3. nacrtu Zakona je propisano da ako poslodavac ne uposli dovoljan broj osoba sa invaliditetom, ima obavezu plaćanja posebnog doprinosa u Fond za prof. rehabilitaciju i osposobljavanje osoba sa invaliditetom u iznosu 25% od prosječne neto plate u Federaciji, za svaku manje zaposlenu osobu sa invaliditetom u odnosu na broj koji bi trebao zaposliti.

Prema važećem rješenju, poslodavac ima obavezu uplate 25% od prosječne bruto plate u Federaciji. Dakle, i ovo potencijalno predstavlja smanjenje prihoda Fondu za profesionalnu rehabilitaciju osoba sa invaliditetom, što je također rješenje koje treba dodatno razmotriti.

Delegacija sindikata je na sjednici ESV ZDK održanoj 06.05.2025.g. neposredno iznijela svoja dodatna zapažanja, stavove i sugestije koje bi trebalo imati u vidu kod donošenja novog Zakona, kako bi se osigurao što veći stepen poštivanja ustavnih i zakonskih prava osoba sa invaliditetom - pravo na rad, pravo na zaštitu od svih oblika diskriminacije, veća integraciju u svijet rada i društvene tokove, u konačnici bolji materijalni i socijalni položaj osoba sa invaliditetom:

- U BiH je potrebno definisati poseban „prag“ socijalne sigurnosti za osobe sa invaliditetom,
- Ne poštuje se u potpunosti obaveza davanja prednosti pri zapošljavanju osobama sa invaliditetom, što je problem za koji se mora naći adekvatno rješenje – u suprotnom je ovo pravo mrtvo slovo na papiru,

- Treba razmotriti uspostavu Mreže centara za profesionalnu rehabilitaciju na teritoriji cijele FBiH, radi unapređenja procesa profesionalne rehabilitacije osoba sa invaliditetom. Ovi bi centri trebali biti povezani sa odgojno-obrazovnim ustanovama, tržištem rada, zavodima za zapošljavanje i Federalnim zavodom PIO MIO,
- Potrebno je riješiti problem nedostatka kvalifikovanog osoblja, specijalno obučenog za rad sa osobama sa invaliditetom,
- Potrebno je osigurati vođenje adekvatnih evidencija – ne postoji jedinstvena baza podataka o svim osobama sa invaliditetom na nivou entiteta, postoje samo evidencije o zaposlenim osobama sa invaliditetom koje vode službe za zapošljavanje prema prebivalištu osoba sa invaliditetom,
- Potrebno je osigurati bolju koordinaciju između organa nadležnih za profesionalnu rehabilitaciju i zapošljavanje na nivou entiteta,
- Kroz dosadašnju primjenu važećeg zakona, primjetno je da značajan broj poslovnih subjekata ne izvršava svoju obavezu uplate posebnog doprinosa u Fond za profesionalnu rehabilitaciju. Fond za profesionalnu rehabilitaciju nema nadležnost da provodi bilo koju mjeru u smislu sankcionisanja pravnih lica koja ne poštuju obavezu uplate posebnog doprinosa, osim da upućuje informacije Poreznoj upravi FBiH. Jedino pravo rješenje za ovaj problem je odgovarajuća izmjena odnosno dopuna Zakona o doprinosima Federacije BiH.
- Nužno je adekvatno definisati obavezu organa uprave, pravosuđa i drugih entitetskih organa, lokalne samouprave, javnih službi ustanova i fondova, te preduzeća u većinskom državnom vlasništvu, da svoje potrebe u definisanom procentu zadovolje kod preduzeća za zapošljavanje osoba sa invaliditetom, jer se ni ova obaveza ne poštuje u potpunosti ili se poštuje veoma malo,
- Oblast nadzora nad preduzećima za upošljavanje osoba sa invaliditetom treba što bolje i potpunije riješiti, posebno definisati koji organ u kojem dijelu vrši nadzor,
- Aktivnost Fonda za rehabilitaciju se svodi isključivo na davanje novčane podrške za rehabilitaciju i zapošljavanje osoba sa invaliditetom, ali izostaje veća podrška socijalnom poduzetništvu i aktivnostima koje suštinski doprinose inkluziji osoba sa invaliditetom,
- Prema pozitivnim propisima, problem za osobe sa invaliditetom nastaje i kada se zaposle, jer time gube mnoga druga prava iz socijalne zaštite – socijalnu pomoć, smještaj u ustanovama socijalne zaštite i dr. Ovo također treba imati u vidu jer se radi o posebno osjetljivoj kategoriji,
- Jedan od ključnih problema koji se treba adekvatno riješiti je neinformisanost poslodavaca iz privatnog sektora i osoba sa invaliditetom o mjerama i stimulansima koji im stoje na raspolaganju.

Treba imati u vidu da prema popisu stanovništva iz 2013. godine, u BiH živi 3.531.159 stanovnika, od toga su 294.058 osobe sa invaliditetom, ili 8,3%. U Federaciji BiH prema ovom popisu iz 2013. godine živi 181.927 osoba sa invaliditetom. Od ukupnog broja stanovnika, 126.324 lica su korisnici nekog vida socijalne pomoći, od toga veliki broj osoba sa invaliditetom.

Smatramo da je glavni razlog teškog materijalnog položaja ove kategorije ljudi upravo nemogućnost pronalaska zaposlenja. To bi se u što većoj mjeri moralo osigurati upravo primjenom ovog zakona. Iskustva pokazuju da su osobe sa invaliditetom u većini slučajeva izuzetno motivisane za rad, sa ogromnom željom da doprinose društvu, samo im treba pružiti šansu, bez predrasuda. S poštovanjem,

Dostavljeno:

1x naslov,

1x a/a



PREDsjedNIK
Mirnes Isaković
Mirnes Isaković



Broj: 01-30-12185-1/25
Zenica, 25.06.2025. godine

Na osnovu člana 22. i 40. Poslovnika Skupštine Zeničko-dobojskog kantona-Četvrti prečišćeni tekst („Službene novine Zeničko-dobojskog kantona“, broj: 5/24), Komisija za rad, socijalnu politiku, izbjeglice i zdravstvo Skupštine Zeničko-dobojskog kantona na 26. sjednici, održanoj dana **25.06.2025. godine**, razmatrala je sljedeći:

DNEVNI RED

1. **Nacrt Zakona o profesionalnoj rehabilitaciji i zapošljavanju lica sa invaliditetom,**
- **Utvrdjivanje mišljenja Skupštine -**
2. **Nacrt Zakona o djelatnosti psihologa u Federaciji Bosne i Hercegovine,**
- **Utvrdjivanje mišljenja Skupštine -**
3. **Prijedlog Odluke o davanju saglasnosti na Odluku o promjeni naziva Javne ustanove Centar za djecu i odrasle osobe s posebnim potrebama Zeničko-dobojskog kantona u Javna ustanova Centar za djecu i odrasle osobe sa teškoćama u razvoju Zeničko-dobojskog kantona,**
4. **Izvještaj o radu Javne ustanove Centar za djecu i odrasle osobe s posebnim potrebama Zeničko-dobojskog kantona za period 01.01.-31.12.2024. godine,**
5. **Informacija o dostignutom stanju u oblastima socijalne zaštite, zaštite civilnih žrtava rata i zaštite porodice sa djecom u 2024. godini,**

o čemu Skupštini Kantona podnosi sljedeći:

IZVJEŠTAJ

T/1

Po završenom razmatranju Nacrta Zakona o profesionalnoj rehabilitaciji i zapošljavanju lica sa invaliditetom, Komisija je podržala mišljenje Ministarstva za rad, socijalnu politiku i izbjeglice Zeničko-dobojskog kantona dato na Nacrt navedenog akta, koje je Vlada Kantona prihvatila Zaključkom broj: 02-02-10454/25 od 23.05.2025. godine, te je jednoglasno, sa 3 glasa „za“ (od 3 prisutna člana), predložila Skupštini Kantona da mišljenje Ministarstva bude sastavni dio zaključka Skupštine Kantona o navedenom Nacrtu Zakona.

T/2

Po završenom razmatranju Nacrta Zakona o djelatnosti psihologa u Federaciji Bosne i Hercegovine, Komisija je podržala mišljenje Ministarstva za rad, socijalnu politiku i izbjeglice Zeničko-dobojskog kantona dato na Nacrt navedenog akta, koje je Vlada Kantona prihvatila Zaključkom broj: 02-02-11404/25 od 05.06.2025. godine, te je jednoglasno, sa 3 glasa „za“ (od 3 prisutna člana), predložila Skupštini Kantona da mišljenje Ministarstva bude sastavni dio zaključka Skupštine Kantona o navedenom Nacrtu Zakona.

T/3


Po završenom razmatranju Prijedloga Odluke o davanju saglasnosti na Odluku o promjeni naziva Javne ustanove Centar za djecu i odrasle osobe s posebnim potrebama Zeničko-dobojskog kantona u Javna ustanova Centar za djecu i odrasle osobe sa teškoćama u razvoju Zeničko-dobojskog kantona, Komisija je jednoglasno, sa 3 glasova „za“, bez glasova „protiv“ i bez glasova „uzdržan“ (od 3 prisutna člana), podržala navedeni akt i predložila Skupštini Kantona da isti donese.

T/4

Nakon razmatranja Izvještaja o radu Javne ustanove „Centar za djecu i odrasle osobe s posebnim potrebama Zeničko-dobojskog kantona“ za period 01.01.-31.12.2024. godine, Komisija je navedeni akt jednoglasno, sa 4 glasa „za“, bez glasova „protiv“ i bez glasova „uzdržan“, (od 4 prisutna člana), podržala i predložila Skupštini da isti prihvati.

T/5

Po završenom razmatranju Informacije o dostignutom stanju u oblastima socijalne zaštite, zaštite civilnih žrtava rata i zaštite porodice sa djecom u 2024. godini, Komisija je jednoglasno, sa 4 glasa „za“, bez glasova „protiv“ i bez glasova „uzdržan“ (od 4 prisutna člana), podržala navedeni akt i predložila Skupštini Kantona da navedenu Informaciju prihvati.



PREDSJEDAVAJUĆA

Emira Drnda-Čičeklić, s.r.

Dostavljeno:

- 1x Poslasticima Skupštine Kantona,
- 1x Vladi Kantona, *n/r sekretara*,
- 1x Ministarstvu za rad, socijalnu politiku i izbjeglice, *n/r ministra* *
- 1x Javnoj ustanovi Centar za djecu i odrasle osobe s posebnim potrebama Ze-do kantona, *n/r direktora*,
ul. Saliha Čakana Mulalića 5, Zenica
- 1x U predmet 26. sjednice Komisije/04-02